

ISLAMONLINE.

adabiyot



Эшонларимиз (Абдулла Қодирий)



Эхтимолки, сарлавхани ўқуганингизда тасфияи нафс, тазкияи калб килгучи ва килдиргучи, нур ичига чўмилган, риёзат билан чўпустихон, тамом фоний, факир ва эхтиёж билан хамнишин бўлган вужудларни кўз ўнгимизга келтурарсиз. Лекин хар кимнинг кўриши хар турлукдир.

Эшонларимиз!..

Мана, маним кўз ўнгимга кимлар келиб кўринди: тахбис нафс ва талбис калб, сулукига солиқ, икки дунёда ҳам юзлари қоб-қора, текинхўрлик билан қиб-қирдақ, гўб-гўмбақ, тамом семиз, давлати шаҳриёри билан мусаллах, факиру фано билан ёв, ўюн-кулги, айшу тараб, нозанин хонимлар, париваш махрамлар гоёи аъмоллари бўлган вужудлар... Бас, бу икки турлук кўришдан шу нарса келиб чиқадир: ё сиз кўр ва ё ман! Ё сизнинг кўзингизга оқ тушкан ва ё маним!

Журналимизнинг шу сонидан бошлаб биринчи галда эшонларимизнинг, иккинчи галда уламоларимизнинг таржумаи холларини ёзмок фикридаман. Бирок сизнинг айтмогингиз мумкиндики, «Кўришинг бу бўлса— ёзишинг қалай бўларикин?» деб. Аммо ман сизга шуни айтаманки, таржумаи хол деган гап шамолдан ёки хаводан олинмайдир, ахволи баён қилинатурган шахснинг ўз ҳаётидан олинадир. Қозонда нима бўлса чўмичка ҳам шу нарса чиқадир. Ман ҳам шу қонундан четқа чиқмасман, қозонда мошова пишкан бўлса албатта палов сузмасман. Иккинчи шулки, «Эшонларимиз» бобида Тошканднинг йигирма чоғлик авлиёларининг маноқиблари сўзланадир. Улардан (албатта уларнинг ўлуқ— тирикларидан) умид шулдурки, ҳақиқат отига, деб ёзган таржумаи холимиздан ранжимаслар ва ҳақиқат отига гарчи бад-ҳазм бўлса ҳам ҳазм қилгайлар!

Эшонларимиздан биринчиси: Иззат сиришт ва саодат сарнавишт неқуқирдор орифулло Саид Маҳдихон бинни Саид Боқихон бинни Абулқосимхон эшон бинни қутбул-ақтобхон Тўраҳон эшон алавий нақшбандийдирлар. Аммо биз бу силсиланинг таржумаи холини Абулқосимхон эшон марҳумдан бошламоқчимиз. Шундоқки, Абулқосимхон эшон ўз замонининг қутби эди. Унинг валоятига Тошкандгина эмас бутун Туркистон, ҳатто Неқалай I ҳам гойибона қойил эди. Абулқосимхон эшонни Русия истибдодига танитқан қишиларнинг биринчиси унинг Тошканд муридларидан бўлган машхур Саидазимбой билан Шарафийбой (татар)дир. Ул вақтларда Туркистон хонлар қўлида бўлуб ҳали Русия истибдодига ўтмаган, шунинг учун улуг оқ подшоҳ қутби замонимиз бўлган Абулқосимхон эшоннинг валоятларидан умидвор эди. Бу жаноб ҳам ўзларининг югурдақлари бўлган Саид Азим ва Шарафийлар орқалик оқ подшоҳга гойибона хусни таважжухларини юбориб турар эрдилар.

Вақтики Абулқосимхон тўрамнинг дуолари ижобат ҳадафига тегиб Чернаеф Тошкандни фатх қилди; дўстлар шод, душманлар гамгин бўлуб тўрамнинг ўзлари улуг жондорол гўбарнатўр Чернаефнинг олдида гулдек очилган эди. Қўнгил тинчиб ораддан бирор йил чамаси ўткач жондорол гўбарнатўр фатху нусратда улуг фидокорлик кўрсатқан авлиёларни ўз ҳузурига зиёфатқа чақирган, устол атрофи Шарафий, Абулқосимхон эшон, Хожи Алим, Ҳакимхўжа қаби оқ саллалик гўллар билан тўлган, дастурхонда тўнгуз гўштидан бошқа ҳар нарса мухайё қилинган эди. Вақтики зиёфат хитомига етуб, баъдаз фотиха адютант томонидан қахрамонларга инъом улашиладир. Жумладан Абулқосимхон эшоннинг олдида бир қумиш самовор, Ҳакимхўжанинг олдида қумиш патнус қўйиладир. Бу вақт Ҳакимхўжа қози патнусни самоворнинг ўрнига қўуб, самоворни ўз олдида тортадир... Бу ҳолдан воқиф бўлган адютант самоворни эшоннинг олдида олуб Ҳакимхўжага айтадир:

— «Сизни таниганимизга ёлгуз биргина йилдир. Аммо эшон, бизнинг ҳуқуматга ўн беш йилдан бери хизмат қилуб келади!» Ҳакимхўжа қозининг дами қесиладир. Шу вақтда мажлисқа онглашиладирким, эшон унча-мунча одам эмас...

Бас, оқ подшоҳнинг навқарлари бўлган жондороллардан шунчалик иззат, ҳурмат, инъом, эҳсон қўргучи бир бузруқвор эшонга бутун халқ мурид қесиладир, қаромат, валоят

ортадир. Кауфман Туркистонга волийи умумий бўлуб келгач, каромат камаядир эмас, балки, юз кат яна ортадир.

1884-нчи йилда фон Кауфман ўладир. Унинг тағзиясига чикган бизнинг Абулкосимхон эшонимиз бутун Тошканд мусулмонларини хайратда кўюб Кауфман рухига «Таборақ...»ни тиловат килуб багишлайдирлар...

Шу ахволда бу дунёнинг барча бахт-саодатларини кечириб, ниҳоят (1309 хижрия, 1891 мелодияда) миллионлаб муридларни зор йиглатиб, барча йигуб терганларидан умид узолмаганлари холда дунёдан кўчадирлар. Эшоннинг тирикликларида тўёлмай колган халк тобутни эртадан кечкача кўлма-кўл кўтаришиб юрадирлар. Энг охирда тобутни бурда-бурда килуб, ўзаро таксим килишгач тинчийдирлар. (Эшон бузрукворнинг кабр тошлари: «Ин маркади мунаввар муршиди комили мукамал шайхул-ислом валмуслимин хофизи калом раббул-оламин мухиббул уламо ва малжаул-гурабо хазрати эшон Абулкосимхон бинни кутбул-актоб хазрат эшонхон Тўраҳон алавий накшбандий» деб битикликдир).

Мархум эшоннинг бағзи бир хислатлари: Ул зот аксар авкотларини ёш, маъсум ўғлонларнинг сухбатида кечирар эдилар. Хаккитаоло дийдорининг аксини шу ўғлонлар юзида мушоҳада килар ва бир ўғлон-нинг кўлидан ичилган бир пиёла чойни кавсар сувидан беҳрок хисоблар эдилар. Ўзларидан сўнг ўн парлаб нозанин ёш хотун ва чўрилар сочларини ёйиб колдилар.

Ул зотдан Саид Бокихон отлик бир халаф колиб, ота кадрдони бўлган ок подшоҳнинг химоясига сигинадирлар. «Эгасини сийлаган итига суюк ташлар», деганларидек Саид Бокихон отасининг туфайли билан Бешогоч козилигига белгуланадирлар ва шу маснадда йигирма йиллаб давр сурадирлар.

Бир томондан козилик тушими, иккинчи томондан эшонлик касби билан оталаридан колган бог, шоликор, ховли, мол, обжувоз, тегирмон ва бошка амлоқлар ёнига яна ўн кайта бойлик изофа киладирлар. Шу йўсунда бу жаноб ҳам дунёга видоъ килуб, барча йигуб терганларини махдумлари бўлган Махдихон эшонга омонат колдирадирлар. Энди Махдихон эшон таржумаи холига ўтайлик:

II

Махдихон эшон ана шу Абулкосимхон эшон мархум набирасидир. Бу зотнинг ҳам мансаб ва дунё суйишда боболаридан колиштурган ўрни йўқдир. Некалай замонида бу жанобнинг кўнглига ота мероси бўлган козилик орзуси тушиб бир неча вақт нуфузлик, ҳукуматга якин бойларнинг эшигида йиглаб юрди. Бир томондан бойларнинг кўмаги, иккинчи жихатдан пристаф ва эллибошиларга канверт оркалик улашилган «бадал»лар ёрдами билан туппа-тузук «Козийи ислом» ҳам бўлуб олди. Биз корнини ёрганда алиф ўрнига лоакал калтак чикмай-турган дардисарнинг козиликка нечук ўлтуриб олиш йўсинини шунда кўрдик. «Бир, деганда тўрт томондан» дегандек эшонликка тушатурган назру ниёз ҳам козиликка тушиб турган унча-мунча чой-чакалар баракасида узок тарихдан тортилиб келган давлат каппайгандан-каппайди; ерга-ер, молга мол кўшулаборди.

Саид Махдихон поччамиз 1911-нчи йиллар орасида шарихат курсисига ўлтурган бўлса, то 1917-нчи йилгача Мочалоф-Почалофларнинг кўлига сув куйиб «отам, онам» билан килтиллаб кела олди. Аммо чархи кажрафтор даврасини тескаридан олуб, шартта инкилоб деган касофат юз кўрсаткан эди, шилк этиб бизнинг Махдихонимиз ҳам шарихат курсисидан кулаб тушди.

Лекин бизнинг жасур эшонимиз бундай муваффакиятсизликлардан умидсизланиб ўлтурмади. Хамон ишнинг томирини кидиргандан кидира бориб, ниҳоят, «Уламо» жамиятидан тешиб чикди ва бу жамиятнинг ўрта кўлдек «мана» деган айгирларидан бўлди. Хатто шу жамиятнинг таважжухи соясида кайта бошдан козилик ўрнига минмак эхтимоли ҳам чикуб колган эди. Бирок бир кеткан бахт иккинчи кайтуб келмас экан. Бу орада болшевик деган кофирлар бош кўтариб «Уламо» жамиятининг суробини тўгрилаб кўймасунми. Шунинг ила бизнинг тогамиз дархол ўзининг бошка хамкурблари билан Бухорога кочди. Бухорода икки йиллаб риёзат чекиб, кўб балоларга йўликуб ниҳоят Тошкандга кайтуб келса ҳам лекин уйдан эшикка чиколмайтурган бўлган эди. Ва ўша кундан бошлаб кўбчиликни «яка мохов» килуб ўзи обрўсизлик ва амалсизлик балосига гирифтор бўлди. Баракат берсунки, ота-бободан колган эшонлик, ҳам муридлар бор экан. Йўкса аллакачон сил касалига мубтало бўлуб, бу дунёи фонийдан видоъ килган бўлур эди.

Бутун юртни «яка мохов» килуб, «Уламо» жамиятидан хасипни совитиб чикгач бир канча йиллардан бери сакталикка учраган эшонлик касбига чинлаб киришди, гам-андухни кенг сахрода таркатмок ва шу бахона билан мурид овламок касдида саёхатга чикди.

Эшоннинг ота-бободан мерос тарикасида каламрўига ўткан муридлар; Авлиё ота, Туркистон, Карнок, Чимканд; Тошканддан Калас, Чинос, Нишбош, Хумсон ва шунга ўхшаш ерлардир. Мана шу ерларнинг минглаб гўсхўр муридлари ичида ҳам саёхат, ҳам тижорат килуб гам-андухни таркатиш билан бирга неча юзлаб кўй, эллик-олтмишлаб корамол, минг путлаб дон, юзлаб тўн, коплаб окча ортдириб кайтди. Аммо мундан сўнгги асосий касб — эшонлик; хонаги эрмак — дахага ўлтуриш; тижорат — эшонликдан тушкан юзлаб кўйларни бўрдоки килуб сотиш; мажлис, яъни гапу-гаштак — кал Абдулкодир, Имом шайтон, Иброхимхон ва шунга ўхшаш хафта фахм, пайтава кулок бойлар билан бўлмогига карор берилган эди.

Бир вақтларда эшоннинг ўрдадек мактаббоб ховлиси интернатга олинган бўлса ҳам лекин бу балодан «анов-манов»лар билан аранг кутулиб олинди.

Энди таржумаи холни тўхтатиб, эшонга шуни айтамыз: Абулкосимхон эшон бобонгизнинг ўз умрида яхши иш килгани бўлса ул ҳам халқдан окча йигуб, ўз отига мадраса солгани ва унда болалар ўқитгани эди. Аммо сизнинг бўлса хозирги давлатингиз, мулки ашёнгиз мундайин мадраса ва мактаблардан бир канчасига ҳам етадир. Нима киласиз? Бирорта хайр ишка кадам ранжида киласизми? Ёки шу кўйи сув куйгандек бўлуб кета берасизми? (Эшоннинг шу якинда бўлган бир можароси хакида Хумсон кишлогидан олган бир мактубимиз бўлса ҳам у нарсани бу ўрунга киргизиб ўлтурмадик).

Эшонларимиздан иккинчиси жаноби Шамсиддин махдум бинни Гиёс махдум бинни Ахмад махдум. Аммо Ахмад махдумни шаксиз каромат сохиби эди, деб ривоят килгучилар бор.

Лекин ул киши тўгрисидаги ривоятларга аник ишонилса ҳам бўлатурган кўринадир.

Зероки Ахмад махдум ўзларининг каромат ва мўъжизаларига мункир келгучи багзи бир шаккоklarга далил ўрнида «Яъти мин баъди исмуху Ахмад» оятини ўкуб мудофаа килур ва ўкраб йиглар эканлар. Мазкур оятдаги «Ахмад»нинг сарих шу Ахмад махдум бўлганлигига уламо байнида бир иттифок борлиги Тошканд халкининг маълуми бўлса

керак. Хар холда мархумнинг Куръонда хабар берилган «Ахмад» бўлишида шубха йўқдир. Демак, онглашилган бўлса керакки, хакида сўз юритмакчи бўлганимиз Шамсиддин махдум шундай бир зотнинг фарзандидир. Бу кишини лоакал ўша боболари хурматига таниш ва эътикодни махкам килиш хар бир мўъмин-мусулмон бўлган кишига фарзи айндыр.

Бу зотнинг ўзлари хам гоятда нозик табъ, зиёда аллома, хам такаллуфсиз бир муршиддырлар. Хар холда улуг зотнинг фарзанди, десак комил бир мадх килган бўлурмиз.

Шамсиддин махдум Тошканддан тортиб то Самаркандгача мурид тарбия киладырлар. Тушим важхи чакки бўлмаса хам аммо бу зот доим мир курук бўлуб юридырлар. Чунки ишлаб топилган мол нафис кийимларга, лазиз таомларга аранг етуб турадыр. Бошка эшонларимиз нечоклик искирт, канча мумсик бўлсалар, бу киши уларнинг зиддига шунча сермаишат ва сарзавқдырлар. Уйларида дуруст маишат кечира олмаганлари фурсатларда тузукрак кишиларникига «айтмаган жойга, йўнмаган таёк» хам бўлуб оладырлар. Бу муршиднинг завklarини шун-дан хам онгласа бўладырким, аксар йигин, яъни зикр самоъ кезларида бир томонда таважжух бўлса, иккинчи томонда миллий оркестр чалиб миллий ашулалар айтылиб турадыр.

Жанобнинг зиёфатларда жумъа ва таважжух асноларида айтатурган сўнгги сўзлари шул: «Замона огир, шу огир замонларда бир муршиди комилга топширилмаган мусулмон фарзандининг холига вой!...»

Махдум поччанинг иршодларидан ўтуб якингинада «Кўшулок махдум» деган бир халфа хам етишди. Бу Кўшулок хам ўз олдида сулук тебратиб кўб мусулмонларни рохи ростга солмокдадыр.

(яна бор)

Абдулла Кодирий